

# Profetanan Menor

Oseas ta e promé di e ultimo 12 buki di Tèstament Bieu. E bukinan aki, desde 400 aña despues di Kristo, ta konosí komo *Profetanan Menor*. Promé ku nos ta studia e buki di Oseas, ta bon pa pousa un ratu i nota tres punto tokante e Profetanan Menor.

## I. IMPORTANSIA DI E PROFETANAN MENOR

Nos por haña impreshon ku e bukinan aki ta yamá “menor” pasobra nan ta ménos importante ku e bukinan di e Profetanan Mayó. Ma esei no ta e kaso. Motibu ku e bukinan aki ta yamá “menor” ta pasobra nan ta mas kòrtiku kompará ku largura di e bukinan di e Profetanan Mayó. Pues, tamayo di e buki ta diferensia entre mayo i menor, no importansia. Asta promé ku era di Hesus, pasobra nan ta bukinan mas kòrtiku, den e Beibel hebreo e Profetanan Menor ta forma un solo buki, yamá *e Diesdosnan*. Meskos ku e buki di p.e. Isaias tabata skirbí riba ún solo ròl, tur e bukinan di *e Diesdosnan* tambe tabata skirbí riba un ròl.

No keda konfundí. E mensahe di e 12 buki di e Profetanan Menor ta mes importante i mes inspirá ku esun di e Profetanan Mayó. Esaki ta demonstrá tambe dor di e echu ku un di e Profetanan Mayó, Jeremias, ta sita un di e Profetanan Menor, Mikeas (Jeremias 26:18).

## II. ORDU DI E BUKINAN DI PROFETANAN MENOR

Tambe ta importante pa komprendé ku méskos ku e bukinan di e Profetanan Mayó, e bukinan di e Profetanan Menor tampoko ta organisá den un òrdu kronológiko. Por bias sinembargu ku nan ta kronológiko den e sintido ku e promé seis profeta a profetisá promé ku e último 6 profeta. Irving Jenses ta propone e siguiente pusíbel fechanan pa e ministerionan di e Profetanan Menor:

Abdias - 840-824 B.C.

Joel – 824-812 B.C.

Jonas – 784-772 B.C.

Amos – 765-755 B.C.

Oseas – 754-714 B.C.

Mikeas – 735-702 B.C.

Nahum – 650-621 B.C.

Sofonias – 635-623 B.C.

Habakuk – 622-610 B.C.

Hageo – 520 B.C.

Zakarias – 520-485 B.C.

Malakias – 433 B.C.

Tambe ta bon pa ripití, pa nos no pèrdè for di bista, ku e Profetanan Menor, méskos ku e Profetanan Mayó, a skirbi durante e era deskribí den e bukinan di Reinan, Krónikanan, Esdras, Nehemias i Esther.

### III. SKUCHADONAN DI E PROFETANAN MENOR

Ken tabata esnan ku a tende e Profetanan Menor profetisá i lesa nan profesianan? Den ki era nan a biba? Nan tabata suidadano di kua pais? Nos por kontestá e preguntanan aki dor di agrupá e profetanan den tres diferente kategoria:

- Profetanan di Israel  
Esakinan ta e profetanan Oseas, Amos i Jonas.
- Profetanan di Juda  
E profetanan di Juda tabata Joel, Abdias, Mikeas, Nahum, Habakuk i Sofonias.  
Maske e mensahe di Abdias tabata dirigí pa ku Edom i Nahum a skirbi Su buki tokante Asiria, ta probable ku tur dos di e profetanan aki tabata suidadano di Juda.
- Profetanan despues di eksiliado  
Hageo, Zakarias i Malakias tabata profetanan ku a skirbi pa e hudiunan a regresá na nan pais despues di nan 70 aña di koutiverio.

Nos por studia e Profetanan Menor den nan òrdu kronológiko. Esei sin duda tin su benefisionan. Sinembargu, den nos estudio di e Profetanan Menor, nos lo mantené e òrdu ku nos ta haña den Beibel. Pesei, ku e introdukshon ei, nos lo pasa pa estudio di e buki di Oseas.